

Caezsim Haenqrengz Guh Ndei Hong Cuengh Gun Song Saw Vah Sonhag

齐心协力做好壮汉双语教学

——Geiq Dwzbaui Yen Gizgyangh Cunh Siujyoz Cuengh Gun song saw vah sonhag

□ Bonjbauq gicej Suh Gyahgvai



▲ Gyoengq hagseng haeujsim dingq suvoz lauxsae fanfifoa.



▲ Sausenhduei haeuj doih senhsi.



▲ Aen laeuzsonhag lengiluplup.

Duh'anh Yangh Gizgyangh Cunh Siujyoz youq 1959 nienz 8 nyied haibanh, daengz seizneix gaenq miz 55 bi seizgan lo. Gingvauq 50 lai bi fazcanj, hagdangz gveihmoz daj iq daengz hung, dangqnaj, hagdangz ciemq dieg menciz miz 3820 bingz-fuengmij, gencuz menciz 1554.354 bingzfuengmij, diegninz menciz 1107 bingzfuengmij, ndawde hagseng geiq-ninz suzse menciz 200 bingzfuengmij, ranz sonhag menciz 1200 bingz-fuengmij. Seizneix gungh miz 6 aen gyaulyozbanh, 145 boux hagseng, ndawde hagseng geiqninz ndaw hagdangz miz 59 boux. Miz 10 boux lauxsae, ndawde miz daconh yozliz 9 boux, cunghshw yozliz boux ndeu, lauxsae habgeklwd dabdaengz 100%. Gauhgiz lauxsae 9 boux, siujyoz it gaep lauxsae boux ndeu.

Aen hagdangz neix daj 1983 nienz hwnj hainduj yungh Cuengh Gun song saw vah sonhag, dwg daengx yienh sawjyung Cuengh Gun song saw vah sonhag hagdangz ceiq caeux ndawde aen ndeu.

Vih hawj hagdangz gyaulyuz sonhag fazcanj ndaej ndei, habbaenz haemq ndei sonhag funghaiq, aeu vanzging ndei bae gujuv gyoengq-vunz, hagdangz dingh ok le ithaehlied gveihcangh cidu.

Lai bi gvaqdaeu, aen hagdangz neix itcig aeu suciz gyaulyuz guh cunghcij, aeu aen gyaulyuz lijnen "cienzboh vih hagseng fazcanj, vihliux fazcanj hagseng sojmiz" neix, cienzmielh bae gvancez gyaulyuz fanghcinh aen dangj raeuz; gaem dawz song saw vah sonhag saedniemh guh cawjsienq, daengx aen hagdangz lauxsae gak dawz ok bonjsaeh daeu, daihdamj bae sawq guh aeu Cuengh Coi Gun sonhag fuengfap, ginggvaq mboujduenh swncienz caeuq damq-ra, rom ndaej le mbouj noix gyaulyuz sonhag gingniemh caeuq fuengfap

dijbauj, aeundaer sonhag cwngzgoj hungraeh:

2012、2013 nienz song bi ndawde, Vangz Haijmouz lauxsae caeuq Hij Yizyouj lauxsae aeundaer yienh gaep maenhndei lauxsae ciengj, Nungz Dingcang lauxsae aeundaer yangh maenhndei lauxsae ciengj; 2013 daengz 2014 nienz Vangz Yizfungh lauxsae aeundaer yienh maenhndei lauxsae ciengj; Liengz Cwzdungh lauxsae、Nungz Ginhlenz lauxsae aeundaer yangh maenhndei lauxsae ciengj, bi haenx, aen hagdangz neix deng bingz guh "Sonhag Cizlieng Senhein Yozyau". Lai bi gvaqdaeu, yienh Cang' yau moix bi gawjbanh gak cungj doxdax, mboujguenj dwg lauxsae hanghmoeg roxnaeuz hagseng hanghmoeg, cungj dued ndaej cingzeik ndei dauqma, bineix 6 nyied 8 hauh gawjhengz gangj goj Vahcuengh doxdax, it nienzgaep Nungz Lanzlanz caeuq Moz Gyahcen song boux doengzhag faenbied aeundaer sam daengj ciengj.

2012 caeuq 2013 hagnienz aen haggeiz gonq geizsat gaujsi, it nienzgaep、ngeih nienzgaep、seiq nienzgaep、roek nienzgaep faenbied aeundaer sonhag ngeih、sam、sam、ngeih daengj ciengj; haggeizlaeng geizsat gaujsi seiz, it nienzgaep、ngeih nienzgaep、sam nienzgaep、haj nienzgaep faenbied aeundaer sonhag it、ngeih、ngeih、sam daengj ciengj; 2013 daengz 2014 hagnienz haggeizgonq geizsat gaujsi seiz, sam nienzgaep、haj nienzgaep、ngeih nienzgaep faenbied aeundaer sonhag sam、ngeih、ngeih daengj ciengj; haggeizlaeng geizsat gaujsi seiz, it nienzgaep、seiq nienzgaep、haj nienzgaep faenbied aeundaer sonhag ngeih、sam、sam daengj ciengj.

2007 nienz, aen hagdangz neix doenggvaq le "Buj Guij" niemhsou,

2009 nienz 6 nyied doenggvaq le yienh gaep habgek hagdangz niemhsou, aeundaer cunh gaep maenhndei daengjgaep, 2009 nienz 6 nyied youq daengx yienh "Yivu Gyaulyuz Gyaulyoz Cangzgeih" genj-caz ndawde aeundaer cunh vanzsiuj gaep daih'it. Aen hagdangz neix ciengzseiz cujciiz hagseng camgya hagdangz、yangh、yienh gaep vwnzyi yienjok caeuq gak loih dijuz doxdax, cungj aeundaer cingzeik haemq ndei. Hagdangz gyaulyuz sonhag cingzeik yied daeu yied ndei, ndaej daengz vunzlai caeuq baihgwnz bumwnz haengdingh.

Gaenh geij bi daeu, aen hagdangz neix ingbaengh cwngfuj、sevei daeu comz ngaenz banhhag, daihlig gaijndei banhhag diuzgen, hagdangz gensez yied daeu yied ndei. 2008 nienz 2 nyied, Yienh Nungzyezgiz ok song fanh maenz ngaenz bang hwnj aen hagseng sizdangz ndeu. Hagdangz seizneix miz gyaulyozlouz caeuq cunghhozlouz gak doengh ndeu. Doengzseiz boiq miz aen dennauj ndeu, 21 conq、34 conq caijden caeuq 47 conq yezcingh densi gak aen ndeu. 2010 nienz 7 nyied, Yienh Donzveij rom 2.4 fanh maenz ngaenz bang hagdangz caepguh aen daemz-raemx 80 lizfanghmij ndeu.

Seizneix, hagdangz yawjnaek vwnzva gensez, aeu aen vanzging ndei daeu unganq hagseng, ndaw hagdangz loegvaq menciz mauhgvaq 30%. Ciengzhumx hagdangz cienzboh aeu hoi cat gvaq, daengx aen hagdangz seuqsak veiswng, gyoengq saeseng youq aen vanzging ndei neix ndawde sonhag caeuq hagsib, bouxboux simsang dangqmaz. Gyoengq-de gietsim haenqrengz daezswng banhhag binjvei, cinghab saeseng hablig, caep guh aen hagdangz miz Bouxcuengh daegsaek he bae doengzcae okrengz!



▲ Hagseng gwn ngaiz homfwdfwd.



▲ Geizmued ndaej ciengj hagseng fat ciengj yizsi.



▲ Hai gyahcangvei.